

GEMEENTEBULLETTIN

18 SEPTEMBER 2020



AANLYN EREDIENSTE | 20 SEPTEMBER

Oggenddiens vanaf 06:00

Eksodus 19 | Berg Sinai – 'n God van wet en orde | Ds. Marius Breytenbach

Gesinsdiens vanaf 06:00

Eksodus 19 | Berg Sinai – 'n God van wet en orde | Ds. René Potgieter

Meditatiewe diens vanaf 06:00

Eksodus 33:18-23 | Berge en dale en al die paaie tussenin | Ds. Philipp Dietmann

Relevant-diens om 18:00

Jesus herstel | Ds. Hanno Ackerman

KYK aanlyn Sondagoggend vanaf 06:00 en enige tyd daarna na die opnames van die eerste drie eredienste op www.stellenberg.co.za, of op die YouTube-kanaal. Die Relevant-diens word om 18:00 direk uitgesaai via www.stellenberg.co.za, of die Relevant YouTube-kanaal.

LUISTER na die klankopname van die diens op www.stellenberg.co.za.

LEES die preek op www.stellenberg.co.za.

'N VERSKYN-EN-VERDWYN-WINKEL

STELLENBERG se KERSVREUGDE-winkel

Ons beoog om 'n tydelike winkel, genaamd KERSVREUGDE vanaf **28 Oktober tot 7 November** in die kerksale aan te bied. Dit sal aan ongeveer 130 handwerkers die geleentheid bied om hulle ware ten toon te stel. **Keuring is reeds afgehandel.** 'n Restaurant, bedryf deur Malita Joubert, wat onder andere wegneemetes verkoop word in die markplein ingerig. Besoek die Kersvreugde-winkel vir al jou Kersinkopies. Covid-19-protokol sal geld en ons verkies dat aankope met krediet- of debietkaart betaal word.

HULP@STELLENBERG.CO.ZA

Indien jy hulp (fisies of geestelik) benodig tydens die inperking, of graag hulp wil aanbied, stuur asb. 'n e-pos aan bg.adres@stellenberg.co.za of kontak ons leraars telefonies.

DAAGLIKSE STEMBOODSKAPPE

Indien jy graag na die daaglikse boodskap ('n stemopname deur leraars) op jou selfoon wil luister, stuur asb. 'n WhatsApp met jou naam + stemboodskap na 083 611 4720. Jy sal dan op die verspreidingslys geplaas word en die stemboodskap daaglik op jou selfoon ontvang. Geen gemorspos nie.

DOOP

Sondag 20 September om 10:00

- Jacques en Margot Basson, Oranjesingel 32, laat doop vir Mila Elizabeth Basson.
- Henry en Celestie Eales, Oakwoodsingel 58, Proteahooft, laat doop vir Mieke Eales.

Dinsdag 22 September om 17:00

- Brendan en Mariëtte Booth, Langebergweg 4, laat doop vir Harvey Baai Booth.

HERVATTING VAN EREDIENSTE IN DIE KERK

Met die verskuiwing na vlak I van inperking verslap maatreëls aangaande die aanbieding van eredienste en word eredienste in die kerk en kapel vanaf Sondag 4 Oktober soos volg hervat:

- 'n Gesamentlike oggend-en-gesinsdiens om 09:00 en 11:00 in die kerk waar 250 kerkgangers per diens geakkomodeer sal word. Die saalgedeelte van die kerkgebou word met tafels en stoele ingerig sodat gesinne saam rondom die tafels kan sit.
- Die Meditatiewe diens om 09:00 in die kapel en sal 40 kerkgangers akkomodeer. Die Meditatiewe diens sal vanaf 4 Oktober nie meer aanlyn beskikbaar wees nie.
- Die Relevant-diens word om 18:00 in die kerk aangebied.
- **Kyk aanlyn** om 09:00 na die direkte uitsending van die oggend-en-gesinsdiens via ons webwerf, of die YouTube-kanaal. 'n Opname van die diens sal ook vanaf 10:00 beskikbaar wees waarna jy enige dag, of tyd kan kyk.
- Tee en koffie sal na die dienste, buite in die teetuin beskikbaar wees.

STELLENBERG ONDERSTEUNING- SENTRUM

SOS bied berading en mediasiedienste deur professionele persone aan. 'n Kliniese sielkundige, spraak- en arbeidsterapeute, 'n besigheids- en lewensafrieter, asook 'n musiekterapeut se dienste word aangebied. Die sentrum is gesluit, maar Rudolph van Schoor, sentrumbestuurder en lewensafrieter, is beskikbaar by 082 854 4530.

VOORBIDDING

Jan Franse, Rust en Vredestraat 9, Ridgeworth, is 'n bekende in die gemeente se sekuriteitspan. Hy het onlangs 'n beroerte gehad en is ook ernstig siek aan kanker en word tans tuis versorg. Doen asb. voorbidding vir Jan in dié moeilike omstandighede.

VOSBURG VRYDAG – 2 OKTOBER

Die Vosburg Vrydag word op Vrydag 2 Oktober vanaf 15:00 aangebied. Klaarvoorbereide etes sal ten bate van die NG kerk Vosburg verkoop word. Met die verskuiwing na Vlak 1 van inperking verslap sekere regulasies m.b.t. sosiale verkeer. Daar sal dus wel geleentheid vir saamkuier in die markplein en die area buite die markplein wees. Diegene wat verkies om hulle kos net af te haal, is welkom om so te maak. Plaas asseblief jou bestelling vir etes voor of op 25 September om teleurstelling te voorkom. Daar sal egter 'n bepaalde hoeveelheid etes en produkte beskikbaar wees wat sonder vooraf bestellings verkoop sal word. Die volgende etes kan bestel word:

Roosterkoek met botter, konfyt en kaas	R18
Roosterkoek sonder konfyt en kaas	R12
Vetkoek met kerriemaalvleis	R20
Braaibord (2 tjops, wors, slaai)	R70
Hamburger	R25
Pannekoek	R6
Poeding (jellie & vla)	R10
Poeding (gebak en ander)	R15

Plaas asb. jou bestelling voor, of op Vrydag 25 September by 021 976 4519, weksdae tussen 08:00 en 13:00, of stuur 'n e-pos deur op dié e-pos te “reply”, of na christineferreira68@gmail.com. Dui asb. jou naam en van, asook die verlangde hoeveelheid van elke kositem in die e-pos aan.

HELPERS EN DONASIES VIR VOSBURG

Helpers: Ons benodig helpers om die Vosburg Vrydag aan te bied. Lidmate van Vosburg kan nie self die byeenkoms bywoon nie. Ons is dus ten volle afhanklik van ons eie lidmate om behulpsaam te wees as braaier en helpers. Kontak asb. vir Karen Visagie by 082 827 9389 om jou hulp aan te bied.

Donasies: Kontantbydraes vir die aankoop van produkte sal baie waardeer word en help om ons onkoste laag te hou. Bydraes kan oorbetal word na ABSA, tjekrekening 145 058 0011, takkode 632005. Gebruik Vosburg as verwysing.

NUUS PER E-POS OF OP JOU SELFOON

- Ontvang die bulletin weekliks, asook die skakels na eredienste per e-pos deur jou e-posadres aan sanel@stellenberg.co.za te stuur.
- Sluit by die WhatsApp-groep aan om die bulletin en die skakel na die oggenddiens op jou selfoon te ontvang, deur jou naam, van en selfoonnommer na 083 611 4720 te stuur.

GEBEDSVERSOEKE

Stuur jou gebedsversoeke (anoniem indien jy dit verkies) na navrae@stellenberg.co.za.

FINANSIËLE BYDRAES

Ons bly opreg dankbaar teenoor elke lidmaat wat steeds finansiëel tot die gemeente se werksaamhede bydra. Die kerkraad beskou rentmeesterskap as een van hulle grootste verantwoordelikhede en in die lig daarvan word deeglike besinning rakende alle spandering toegepas.

EFT-betaling

Dit kan oorbetaal word na ABSA-tjekrekening

145 058 0011,
takkode 632005.

Kontantbydraes

Kontantbydraes kan by die kerkkantoor afgegee word, of in die beveiligde posbus by kantoor se voordeur geplaas word.

SnapScan



Voedselhulp

Indien jy tot die uitgebreide voedselbediening wil bydra, kan jy 'n elektroniese oorbetaling na ABSA-tjekrekening 145 058 0011, takkode 632005, maak. Gebruik *hande en rande* as verwysing.

TUISWERKHULP BY KLIPHEUWEL

Shiloh Synergy benodig helpers wat op Dinsdae en Donderdae kinders van die informele nedersetting in Klipheuwel met tuiswerk kan ondersteun. Klasse word by Klippie Kids Kleuterskool aangebied. Streng Covid-19-protokol word gevolg en vrywilligers benodig nie 'n onderwysagtergrond nie.

Gebruik die skakel om 'n tydgleuf wat jou pas te bespreek, of kontak Heleen du Toit by 084 563 0122.

https://docs.google.com/forms/d/e/1FAIpQLSfZWDWFAKvltHp35la8ffCDHvywhO2Auy_6MtQWbSuK8rBygw/viewform?usp=sf_link

GEDAGTE VIR DIE DAG

Geestelike dagstukke asook 'n stemboodskap word daagliks op www.stellenberg.co.za asook die gemeente se Facebookblad geplaas.

AANLYN

ADVERTENSIEBLAD

In die Samaritaan- advertensieblad op www.stellenberg.co.za word produkte, huishoudelike dienste, onderrigdienste, dienste in die leefstyl- en skoonheidsbedryf, woonplekke, werkseleenthede, asook gesondheidsdienste geadverteer. Advertensies sonder 'n foto kan teen R50 per maand geplaas word en die met 'n foto teen R100 per maand.

Stuur 'n epos aan sanel@stellenberg.co.za.

TERUGVOER FINANSIES

Hartlik dankie aan alle lidmate wat op verskillende wyses steeds by ons gemeente se werksaamhede betrokke bly. Stellenberg se kerkraad het in April reeds proaktief die jaarlikse begroting aangepas:

- **Inkomste:** Met die verlies van die feesmarkinkomste is ons aanvanklike begroting met 25% aangepas. Verder is 'n projeksie van 50% vir die tiendemaandinsameling gemaak. Die maandelikse dankoffers is op 100% behou en vir bankkollekte is 30% begroot. Dit beteken dat daar vir ongeveer 2/3 van ons aanvanklike inkomste begroot is.
- **Uitgawes:** Alle uitgawes is tot op die been gesny, behalwe ons voedselhulp en kommunikasie. Salarisverhogings vir 2020 en dertiende tjeks is teruggetrek. Alle salarisse is met 20% gesny en predikante se reiskoste is ingekort.

Ons is baie dankbaar om wel positiewe terugvoer oor die dankoffers en bankkollekte te deel.

- **Reguit lyn in oranje:** Oorspronklike begroting: Gemiddeld van R550 000 per maand
- **Lyn in grys, heel onder:** Aangepaste begroting – R500 000 per maand
- **Blou lyn wat “uitspring”:** Die gemiddelde bedrag wat vanaf Aprilmaand ontvang is, is R570 000. Dit is R20 000 bo die oorspronklike begroting en R70 000 bo die hersiene begroting.

Dankie vir u bydrae en ondersteuning. Ons is bewus van heelwat gesinne wat ekstra verpligtinge teenoor familieledes, werkers in hul diens en mense in nood, nakom. Die kerkraad se onderneming is ook dat die situasie gemonitor word en dat aanpassings in die predikante en personeel se vergoeding gemaak sal word sodra dit finansiële verantwoordelik gedoen kan word.

Ons leef in die Here se hand. Hy hou ons – en ook sy kerk – in stand.

